

**Protocol no. 92**  
**Sezzüda da lündeschdi, 14 marz 2011, 20.00 – 22.50**

**Preschaints:** Jon Carl Rauch; Chasper Alexander Felix, Georg Salomon,  
 Marianne Werro-Lehmann, Jachen Andri Schmidt e  
 Rico Zini (protocol)

**Protocol**

Il protocol no. 91 da la sezzüda dals 7 marz 2011 vain approvà.

**791 021 FABRICA**  
**Domenic ed Annamaria Augustin – Chasa d’abitar plurifamiliara**  
**– Plaz 41 B**

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
 

|   |     |   |                          |
|---|-----|---|--------------------------|
| - taxa da trattamaint                                       |     |   | fr. 1'800.--             |
| - taxa d’attach d’aua, prov.                                | 1.5 | % | fr. 21'600.--            |
| - taxa d’attach chanalizaziun e sarinera, prov.             | 2.0 | % | fr. 28'800.-- excl. ipv. |
| - taxa d’attach provedimaint electric, prov.                | 1.0 | % | fr. 14'400.-- excl. ipv. |
| - spaisas implü art. 10 (Cuosts per perizias ed expertisas) |     |   |                          |
3. Tenor art. 46 LF faja da bsögn da muossar sü las plazzas da parcar chi mancan. Tenor las calculaziuns mancan trais plazzas da parcar. Il Cumün inchascha las taxa da perimeter tenor quella calculaziun.
4. Pel rinforz da l’attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
5. Las indicaziuns da la pulizia da fö sun part integralas dal permiss da fabrica.
6. Ils plans da detagl da las lobjias han da gnir preschantats e da gnir fats bun da la cumischiun da fabrica.
7. La cumprouva d’energia sto esser in uorden ed avantman avant sco fabricar.

**792 021 FABRICA**  
**Andreas Wetter – Fanestra nouva vers vest e müdar oura**  
**fanestras – Chavorgia 90A**

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
 

|                       |  |  |            |
|-----------------------|--|--|------------|
| - taxa da trattamaint |  |  | fr. 100.-- |
|-----------------------|--|--|------------|

**795 805 MEGLIORAZIUN**  
**Sauaziun**

Il Cussagl cumünal fixa, tenor proposta da la cumischiun da sauaziun, la clav da scumpart pels cuosts ordinaris da gestiun per la sauaziun e l'otezza da la taxa annuala per lavurs da mantegniment/renovaziuns e refacziuns dals implants. L'infuormaziun in detagl segua cul prüm quint chi vain tramiss als sfrüaders.

Implü vain decis da pender sü üna tabla da sponsurs illa chasa cumünala.

**796 810.503.02 Magazin cumünal Tuols**  
**S-chaffa per süar oura sur not la büschmainta bletscha**

Il Cussagl cumünal decida da cumprar üna s-chaffa per süar oura sur not la büschmainta bletscha. La s-chaffa vain cumprada da la Growag Feuertechnik GmbH pel predscha da fr. 4'543.--.

**797 720 ALLONTANAMANT D'IMMUNDIZCHAS**  
**Deponia d'immundizchas suotterrana – Curtin, parcella 271**

Il Cussagl cumünal decida d'installar sülla piazza da parcar (chasa Gertz) 4 „moloks“ per las immundizchas (3 immundizchas e 1 pel vaider). Üna piazza da parcar ha da gnir cun quai scholta. La mera dal Cussagl cumünal es da fabricar sü trais deponias principalas in cumün e da levar tuot las pitschnas cun containers.

**798 151 TIR DA SCHAIBGIAS**  
**Tir cumünaivel cun Ramosch**

Il schef da fabrica orientescha chi nu saja pussibel our da differentes motivs da realisar a Chanvers ün tir cumünaivel cun Ramosch. Il Cussagl cumünal decida da montar las chaistas cunter ils tuns a Parnarsura e remarcha chi hajan da gnir adattats ils temps da trar e chi haja da gnir fixà che persunas chi das-chan trar. Il Cussagl tschercha cun quai il discuors culla società da chatschaders e culla IG Sur En.

L'actuar: